



Broj: 13-11-4-5077/24
Sarajevo, 11.07.2024. godine

Na osnovu člana 70. stav (3) Zakona o javnim nabavkama ("Službeni glasnik BiH", br. 39/14 i 59/22), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javne nabavke roba, radova i usluga, Općinski načelnik donosi

ODLUKU o izboru najpovoljnijeg ponuđača

I

Za najpovoljnijeg ponuđača za javnu nabavku radova „Sanacija krovnog pokrivača sportske dvorane Goran Čengić“, po provedenom postupku javne nabavke putem otvorenog postupka javne nabavke izabran je slijedeći ponuđač:

KRISTAL d.o.o. Živinice
sa ukupnom cijenom od 534.733,47 KM

(slovima: petstotinatridestčetiriiljadestdamstotinatridesttri i 47/100 konvertibilne marake) sa PDV-om

II

Za izvršenje ove Odluke zadužuje se Služba za investicije i zaštitu okoliša.

III

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Novo Sarajevo, Zmaja od Bosne 55, 71000 Sarajevo ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača.

IV

Odluka o izboru najpovoljnijeg ponuđača objavit će se na web stranici www.novosarajevo.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

Obrazloženje

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinskog načelnika broj: 13-11-4-5077/24 od 27.05.2024. godine.

Procijenjena vrijednost javne nabavke sa PDV-om je: 540.000,00 KM (slovima: petstotinačetrestiljada i 00/100 konvertibilnih maraka).

Obavještenje o javnoj nabavci broj: 935-1-3-121-3-204/24 objavljeno je na portalu javnih nabavki dana 12.06.2024. godine.

Komisija za javnu nabavku roba, radova i usluga je imenovana Rješenjem Općinskog načelnika broj: 01-30-5-8226/23 od 17.10.2023. godine, te Rješenjem o izmjenama Rješenja broj: 01-30-5-8226-1/23 od 06.02.2024. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda vidljivo je da su do dana 03.07.2024. godine, pristigle ponude slijedećih ponuđača:

Red. Br.	Naziv i sjedište ponuđača	Ukupna ponudena cijena sa PDV-om
1.	BERSIA d.o.o. Sarajevo	539.930,66 KM
2.	KRISTAL d.o.o. Živinice	534.733,47 KM

Nakon izvršenog otvaranja ponuda, Komisija za javne nabavke roba, radova i usluga je pristupila analizi dokumentacije pristiglih ponuda u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom, Zakonom i podzakonskim aktima, te je konstatovala slijedeće:

Ponuda ponuđača KRISTAL d.o.o. Živinice je **prihvatljiva** jer ispunjava kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

Ponudu ponuđača BERSIA d.o.o. Sarajevo Komisija je ocijenila kao **nepravilnu** iz sljedećih razloga:

Tenderskom dokumentacijom u tački III. 4. Obrasca za cijenu ponude zahtijevano je: „Nabavka transport i montaža SIKA krovne folije tip Sikaplan 18 G d=1,8 mm ili ekvivalent istih ili boljih karakteristika, sa podložnim flisom. Postavlja se preko termoizolacije u trakama. Svaka traka šarafana je vijcima prema statičkom proračunu na čupanje vjetra. Preklopi su širine 10 cm sva varena toplim zrakom. Svi spojevi prema važećim normama za te vrste krovova. Traka je UV stabilna i bez zaštitnog sloja šljunka obzirom da je kosi krov blagog nagiba. Posebno dodati u cijenu obradu svjetlosnih traka-kupola sa sistemskim detaljima spojeva prema uputstvu proizvođača. Dijelovi koji idu od drvene građe, snijegobrani i podkonstrukcija za solarne panele kompletno su obloženi krovnom folijom varenom 100%. u cijenu obračunati i izradu vertikalnih holkera sa završnim limom sa emulzijom za varenje folije i šinom za fiksiranje holkera te kitovanjem spojeva. Ugradnja i obrada pluvija slivnika kao i nabavka novih sa grijačima spada u ovu stavku. Broj slivnika je 7 po strani ukupno 14 komada. Tlocrtno je površina 2600,00 m² Dužina holkera 220,00 m l.“

U cilju dokazivanja navedenoga a kao prilog Liste nudenog materijala – Dokument 9 ponuđači su bili dužni dostaviti kataloge ili kataloške listove na kojima se mora označiti tačno na koji se proizvod odnosi (markirati proizvod, norme koje zadovoljava kao i rok važenja sertifikata).

Ponuđač BERSIA d.o.o. Sarajevo kao prilog Liste nudenog materijala – Dokument 9 za poziciju III.4. Obrasca za cijenu ponude dostavio Tehnički list proizvoda Sikaplan G-15, iz kojeg je vidljivo da isti ne zadovoljava zahtijevano tačkom III. 4. Obrasca cijenu ponude u pogledu debljine krovne folije.

Nadalje tenderskom dokumentacijom u tački II. 5. Obrasca za cijenu ponude zahtijevano je: „Ugradnja AKRIPOL dvostrukih kupola sa termo postoljem ili ekvivalent, prema dimenzijama iz detalja Ugradnja svjetlosnih traka, dvostruka konstrukcija, opal, dim 12x1 m, sa poliesterskim postoljem visine 30 cm sa termoizolacijom. Kupola je fiksnog tipa a ako se pokaže potrebnim jedan segment može biti s motorom. Svjetlosnu traku ugraditi na izravnatu krovnu plohu preko drvene madre koja je ankerisana u sekundarne nosače krovne čelične konstrukcije. Unutrašnju stranu otvora u krovu opšiti al bijelim limom. Porijeklo svjetlosne kupole EU.“

U cilju dokazivanja navedenoga a kao prilog Liste nudenog materijala – Dokument 9 ponuđači su bili dužni dostaviti kataloge ili kataloške listove na kojima se mora označiti tačno na koji se proizvod odnosi (markirati proizvod, norme koje zadovoljava kao i rok važenja sertifikata).

Ponuđač BERSIA d.o.o. Sarajevo kao prilog Liste nudenog materijala – Dokument 9 za poziciju II.4. Obrasca za cijenu ponude dostavio Tehnički list proizvođača Akripol iz kojeg nisu vidljive tehničke

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



karakteristike zahtijevane Obrascem za cijenu ponude, na način zahtijevan tenderskom dokumentacijom.

Iz naprijed navedenih razloga, ponuda ponuđača BERSIA d.o.o. Sarajevo se nije mogla uzeti u dalje razmatranje.

Komisija je nakon pregleda dokumentacije priložene uz dostavljene ponude u smislu člana 65. stav (1) i (2) Zakona ocijenila ponude kvalifikovanih ponuđača, primjenjujući kriterij najniže cijene, te sačinila rang listu kako slijedi:

Red.broj	Naziv i sjedište ponuđača	Ukupna ponudena cijena sa PDV-om
1.	KRISTAL d.o.o. Živinice	534.733,47 KM

Komisija za javne nabavke roba, radova i usluga je jednoglasno predložila Općinskom načelniku da donese Odluku o izboru najpovoljnijeg ponuđača ponuđaču čija ponuda je ocijenjena kao najpovoljnija, na osnovu kriterija najniža cijena, u ukupnom iznosu ponude od 534.733,47 KM (slovima: petstotinatridesetčetirihiljadestotinatridesettri i 47/100 konvertibilne marake) sa PDV-om, te da se ponuđaču KRISTAL d.o.o. Živinice dodijeli Ugovor.

Općinski načelnik je saglasan sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.


Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.

Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.



DOSTAVLJENO:

- BERSIA d.o.o. Sarajevo
- KRISTAL d.o.o. Živinice

Općina Novo Sarajevo, ulica Zmaja od Bosne br. 55, centrala telefon (387 33) 492 100
Služba za zajedničke poslove

tel: (387 33) 492 112, fax: (387 33) 492 145, email: zajednickipostlovi@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000
Depozitni račun 1411965320011288 Bosna Bank International d.d.



